

DIYAAR MA U TAHAY INAAD MUUQATO?

Hadda Victoria Police ayaa kuu baahan. Waxaanu haynaa doorar hawleed oo kala duwan. Dooro midda aad xiisanyanyso.



XUBNAHA BOOLIISKA

Nadaam ilaalintu waa shaqo leh loolan iyo abaalmarin. Waa shaqo aan caadi ahayn oo aad ku xafidi doonto xuquuqda dhamaan reer Fiktooriya si ay danahooda u qabsadaan si amni iyo amaan leh.



SARAAKIISHA ADEEGYADA XAFIDAADA

Waxay siiyaan kaalmo joogto ah shabakada tareenadeena. Waxaad lug ku yeelanaysaa xafidaada dadweynaha iyo dad gaaraya 400,000 oo qof oo isticmaala tareenka maalin walba.



ADEEGA DADWEYNAHA REER FIKTOORIYA

Victoria Police waxay shaqaaleeyaan in ka badan 3000 oo qof Fiktooriya gudaheeda, iyadoo siinaysa kaalmo muhiima Victoria Police doorar loolan leh oo kala duwan.

SI AAD U NOQOTO XUBIN KA MID AH VICTORIA POLICE AMA SARKAALKA ADEEGYADA XAFIDAADA WAXAA WAAJIB KUGU AH:

- Inaad jirto 18 sano ama ka weyn
- Aad tahay Australiyan ama aad leedahay deganaansho rasmi ah
- Haddii aad ka yar tahay 21 sanadood waxaa waajib kugu ah inaad ku gudubtey shahaadada Victorian Certificate of Education (VCE) ama wax u dhigma (Senior Level Victorian Certificate of Applied Learning (VCAL) oo la aqbalayo)
- Aad buuxiso shuruudaha laga rabo xaallada dembiga iyo gaf la xiriira gaari ku wadida wadada
- Aad buuxiso mustawaha aragga indhaha. La tasho dhakhtarkaaga indhaha si aad u ogaato in aad ku haboon tahay
- In aad caafimaad qabto si aad uga shaqayso door hawleed oo u baahan loolan jireed.

Intaas ka sokow shuruudaha xaq u yeelashada, xubnaha booliiska waxaa waajib ku ah inay haystaan laysanka gaari wadida Fiktooriya.

Qiyamkayaga

Victoria Police waxay ku raaxaystaan aaminaada iyo qanacsanaanta bulshada oo aad u weyn. Waxaa bulshadu u hayaan aaminaad iyo ka raalinoqosho. Waxaa naga go'an in aan xaqiijino inay dhamaan raacaan qayimkayaga:

Qiyamka asaasiga ah ee soo socdaa waxay muhiim u yihiin dhamaan xubnaha:

Masuuliyad
Hogaamin
Furfurnaan
Ixtiraam
Kaalmo
Shaqo-aqoon

Fasax

Marka la dhameeyo tababarka xubin booliiska ka tirsan ahaan ama sarkaalka xafidaada, xaq u yeelashadaada fasaxu waxay noqonaysaa...

- Todaba asbuuc oo fasax ah sanadiiba taas oo lagu darayo 10 berri oo ah fasax ururaya.
- Fasax jiro oo dhan 15 sanadii.
- Xaq u yeelasho fasaxyo kale oo deeq ah; oo uu ku jiro fasaxa hooyanimada iyo aabbanimada iyo fasaxa waxbarashada.



XUBNAHA BOOLIISKA

Ma haysaa waxaad ku noqon lahayd xubin ka tirsan Victoria Police?

Haddii aad u hayso niyad, kalgacal, iyo rabitaan aad ugu adeegayso bulshada aan dhamaanteen ku dhexnool nahay, waan jeclaan lahayn in aan ku maqalo.

Nadaam samayntu waa meherad leh loolan iyo abaalmarin. Waa shaqo aan caadi ahayn taas oo aad ku xafidayso xuquuqda dhamaan reer Fiktooriya si ay ugu gutaan hawshooda si amaan iyo amni leh.

Ma tahay qofka aan raadinayno? Waxaan doonaynaa in aan shaqo gelino dumar iyo rag meel kasta oo ka tirsan Fiktooriya iyada oo ay ka muuqata bulshadeena kala duwan.

Si aad wax badan naftaada uga ogaato una aragto haddii aad leedahay shuruudaha aad ku noqon lahayd xubin ka tirsan Victoria Police, samay qiimaynta xaq u yeelashada iyo ku haboonaanta, oo ku yaalla websayt-kayaga.

SAACADAHA

Victoria Police wuxuu qabtaa shaqo 24 saac ah, adeeg dhan todoba maalmood asbuucii. Askari aan derejo lahayn ahaan waxaa lagaaga baahan yahay inaad shaqayso dhowr kaltan oo kala duwan oo ay ku jiraan maalmaha Sabtida iyo Axada, kaltanka habeenkii, fasaxyada ciidaha oo ah meela kala duwan.

TABABARADA

Waxaad baran doontaa waxa askarinimadu tahay markaad dhamayso tababarka shaqaalaynta ee Akadeemiyada Victoria Police Academy. Habkaan tababarka ee 33 asbuuc ah waxaa loo qorsheeyey in lagu siiyo aqoon, xirfad iyo kalsoonida lagu dhamaystiro tababarka aad ku qadanayso shaqada adiga oo fulinaya waajibaadkaaga shaqo askari tababar ku jira ahaan.

Si aad u soo qalinjebiso askari tababar ku jira ahaan waa inaad xaq u yeellataa dhamaan waxyaallaha la xiriira tababarka ayna ku tustaa dhamaan tayada shakhsiyeed, dabeecada iy hab-dhaqanka lagu noqdo xubin firfircoon oo ka tirsan Victoria Police.

AKADEEMIYADA KA DIB

Qalinjebinta ka dib waxaa lagu weydiin doonaa inaad magacawdo saddex meelood halkaas oo aad jeclaan lahayd inaad ku dhamaysato tababarka shaqada oo lagugu meeleeyo si kasta ha ahaatee waxaa laga yaabaa in lagu diro meel kasta oo Fiktooriya ku taalla halkaas oo ay ka mid noqon karto meel magaalada ka baxsan.

DALAB

Markaad go'aan ka gaarto inaad buuxinayso shuruudaha aadna samaysay qiimaynta ku haboonaanta, waxaad diyaar u tahay inaad qaado talaabooyinka ku xiga ee bikawga meherad loolan leh aadna u xiisa badan sidii qof xubin ah Victoria Police.



SARAAKIISHA ADEEGYADA XAFIDAADA

Ma u aragtaa naftaada xafidida bulshada iyo samaynta farqi?

Hadda Victoria Police waxay raadinaysaa inay qaataan dad qabta adeegyo kala duwan oo bulshada muhiim u ah.

Sarkaalka Adeegyada Xafidaada ahaan, waxaad caawimaysaa xafidaada dad gaaraya 400,000 oo macaamiila kuwaas oo isticmaala khuduuda tareenada maalin walba.

Shaqadaadu waxay diirada saaraysaa caawimaada dadweynaha wixii waxweydiin ah oo guud, iyaga oo siinaya talo isla markaana xaqiijinaya in bulshadu dareento amaan. Waxaa kaloo laga yaabaa inaad wax ka qabato xaallado ah dhaqan xuma bulsho ah, kuwaas oo ay ku jiraan gafaf la xiriira khamro iyo daroogo iyo waxyeelayn hantiyeed.

SAACADAHA

Saraakiisha Adeegyada xafidaada waxay shaqayn doonaan sideed, sagaal ama toban saacadood oo kaltana ah si ay u ilaaliyaan shabakadaha tareenka. Waxaa looga baahan doonaa meesha ay ku qoran yihiin laga bilaabo 6da maqribkii waxayna joogayaan ilaa tareenka ugu dambeeya dhaqaaqo.

Qaarkood waxay shaqayn doonaan kaltano gunooyin leh kuwaas oo ku sii darsami doona mushaharkaaga.

TABABARKA

Waxaad ka bilaabi doontaa koorso tababar ah oo buuxda oo 12 asbuuc ah Victoria Police Academy, oo ku taalla Glen Waverley. Waxaa lagaaga baahan doonaa inaad qaadato tababar waqti buuxa ah Isniinta ilaa Jimcaha, 7:30 subaxii – 4:10 galabtii.

Xarunta Saraakiisha Adeegyada Xafidaada waxay u diyaarisaa xubnaha inay si amaana uga shaqeeyaan bay'ad mashquulla taas oo diyaarinaysa xaallada leh heer aad u sarreeya oo aan la saadaalin karin.

Waxaad baran doontaa hub isku mid ah iyo taaktikada is-difaaca xubin ka mid ah booliiska ahaan waxaadna baran doontaa sida loogu muujiyo ixtiraan dadka dhibta u nugul sida kuwa guri la'aantu hayso, dhalinyarada, dadka ay waxyeeshay daroogada iyo aalkoladu, dadka da'da ah iyo kuwa qaba jirada dhimirka.

AKADEEMIYADA KA DIB

Markaad qalinjebiso Sarkaalka Adeegyada Xafidaada ahaan, 12 asbuuc ah oo tababar ah ka dib, waxaad ka qaybgeleysaa munaasabada qalinjebinta Victoria Police Academy.

Ugu horraynta waxaa lagugu qori doonaa maxadooyinka khuduuda hoose maraan ee sitiga iyo xarumaha barkulanka kuwaas oo ay ku jiraan Footscray, North Melbourne, Clifton Hill iyo Richmond. Iyada oo qayb ka ah tababarkaaga joogtada ah waxaa ku kaalmayn doona booliiska lugta ah ugu dambayntana waxaa laga yaabaa in lagaa hawlgeliyo maxadooyin xaafada kale ku yaal.

DALAB

Si go'aan looga gaaro inaad noqoto Sarkaalka Adeega Xafidaada, samay imtixiianka xaq u yeelashada ee mihnadlayaasha Victoria Police adoo gelaya websaytka policecareer.vic.gov.au/pso



ADEEGA DADWEYNAHA REER FIKTOORIYA

Markaad ka fekerto wixii ku saabsan booliiska waxaad ka fekertaa xubnaha booliiska iyo wixii ku saabsan bulshada, laakiin waxaa jira kumaankun dad ah oo ay shaqaaleeyeen Victoria Police si ay u qabtaan doorar kaalmayn ah waxaana laga yaabaa in aan shaqo kuu hayno.

Waxaa jira shaqooyin kala duwan oo ka jira Victoria Police waxayna ka tarjumaan baahida kala duwan ee ururka, laga bilaabo baarista faraha iyo warbaahinta takhasusiinta teknoolojiga macluumaadka.

Meelahaas fursadaha ka jira waxaa ka mid ah:

- Lacagta iyo Gadashada
- Maaraynta Shaqaalaha
- Macluumaadka Teknoolojiga
- Maamulka Guud
- Cilmi-baarista, qorshaynta istaraatiijiga ah iyo lafagurka sida shaqadu ku soconayso
- Doorar takhasus ah sida khabiirka faraha, u-kuurgalayaasha iyo saynisyahanda qaadida faraha.

Mid ka mid ah faaiidooyinka ka shaqaynta ururada waaweyn waa fursada inaad ka shaqayso meelo kala duwan oo shaqo, u furnaanta meela kala duwan iyo xirfada dhowr ah.

Victoria Police waxay siisaa shaqaalaha horumarka fursada meheradaha iyo inay yeeshaan xirfada badan oo kala duwan. Laga bilaabo hal dhinac Australia ilaa dhinaca kale, waxaa ka jira magaalaweynta iyo qaybaha magaalada fursadaha shaqada.

Victoria Police waa shaqa bixiyaha Fursadaha Loo-siman yahay.

WAXAANU BIXINO

Markaad qayb ka tahay Victoria Police macneheedu waa waxaad haysataa fursada lagaga qaybqaato looguna sameeyo wax bulshada. Inaad naga caawinto in aan gaarno ujeedoyinkayaga si looga hello Fiktooriya nabad qab annaga oo wadashaqayn la leh kuwa kale markaan qabanayno:

- Xaqiijinta bulsho amaan iyo nabad ah xagga sharci samaynta
- Baarista dembiyada iyo ciqaabista dambiilayaasha
- Bixinta caawimada bulshada iyo waxbarashada
- Hirgelinta istaraatiijiyada ka hortagga dembiga
- La shaqaynta qaybaha kale ee xukuumada iyo hay'adaha bulshada maxaliga ah.

Sarkaalka Adeega Dadweynaha oo ka shaqaynaya Victoria Police dhexdeeda ahaan waxaad caawimi doontaa socodsiinta iyo kaalmada da'daalada istaraatiijiga ah ee ururka. Waxaad taas u samayn kartaa adiga booliiska ku jira laynka hore siinaya macluumaadka lagama maarmaanka ah si loo sameeyo xarakaadka maalmeed loona hello Fiktooriya amaan ah.

Waxaad kaloo xaq u yeellan doontaa faaiidooyin kale markaad u shaqaynayso Xukuumada Fiktooriya iyo urur cajiiba kaas oo ah Victoria Police.

DALAB

Dhamaan booska joogatada ah ee Victoria Police waxaa lagu xayaysiiyaa websaytka xukuumada Fiktooriya oo ah: www.careers.vic.gov.au.

Dalbadayaasha ku guulaysta waxaa looga baahan doonaa inay maraan dhowr hubitaan oo amniga lagu xaqiijinayo, hubinta faraha iyo hubinta dhaqaalaha, ka hor inta aan ballanta shaqa siinta lagu siin.